

Na osnovu člana 5,6,7, i 8. Zakona o slatkovodnom ribarstvu ("Službene novine F BiH" broj: 64/04, 27/10 i 10/25) i Odluke Vlade Bosansko-podrinjskog kantona Goražde o utvrđivanju početne cijene za korištenje ribolovnih područja na području Bosansko-podrinjskog kantona Goražde broj: 03-11-2269/25 od 06.11.2025. godine, Ministarstvo za privredu Bosansko-podrinjskog kantona Goražde, **raspisuje:**

K O N K U R S
za ustupanje ribolovnih područja na korištenje uz
naknadu na području Bosansko - podrinjskog kantona Goražde

I

Raspisuje se Javni konkurs za ustupanje ribolovnih područja na korištenje ribolovnog prava na području Bosansko - podrinjskog kantona Goražde uz naknadu na period od 10. godina sa početnim cijenama kako slijedi:

I	Ribolovno područje općine Goražde	1.000.00 KM
II	Ribolovno područje općine Ustikolina FBiH	500.00 KM
III	Ribolovno područje općine Pale FBiH	300.00 KM

II

Pravo podnošenja prijava na konkurs u skladu sa članom 6. Zakona o slatkovodnom ribarstvu („Službene novine FBiH“ broj: 64/04, 27/10 i 10/25) imaju fizička i pravna lica, odnosno udruženja ili organizacije sportskih ribolovaca koja su registrovana za obavljanje djelatnosti slatkovodnog ribarstva koje obuhvata čuvanje, zaštitu i unapređenje ribljeg fonda, bavljenje sportskim i rekreacionim ribolovom u skladu sa registracijom od Ministarstva pravde ili drugog nadležnog organa.

III

Podnositelj prijave na konkurs podnosi sledeću dokumentaciju:

1. Popunjen Obrazac prijave na Konkurs (Obrazac prijave se može preuzeti na web stranici Vlade Bosansko-podrinjskog kantona Goražde i u Ministarstvu za privredu Bosansko-podrinjskog kantona Goražde);
2. Izjava o prihvatanju početne cijene utvrđene Odlukom Vlade Bosansko-podrinjskog kantona Goražde broj: 03-11-2269/25 od 06.11.2025. godine.
3. Registracija (Rješenje) pravnog lica kod Ministarstva pravde (za udruženja sportskih ribolovaca), ili izvod iz sudskog registra u kojem se navodi da je preduzeće registrovano da obavlja djelatnost koja je predmet Konkursa za pravna lica i priložen identifikacioni broj za podnosioca prijave;
4. Program gazdovanja ribolovnim područjem i unapređenje ribarstva u ribolovnim vodama za koju je podnesena prijava, koji obavezno treba da sadrži:
 - procjenu količine ribe i njihov prirast,
 - dozvoljeni godišnji i dozvoljeni dnevni ulov ribe po vrstama,
 - mjere i način zaštite ribolovnog područja , te plan rada na uređenju okoliša,
 - plan poribljavanja prema količinama i vrstama ribe, te novčana sredstva za realizaciju plana,
 - organizovanje rada ribočuvarske službe,
 - planirane sportsko – rekreativne aktivnosti,
 - finansijski plan i način raspodjele sredstava.
5. Uvjerenje od nadležne poreske uprave o izmirenim poreskim obavezama po osnovu direktnih poreza.
6. Ugovor ili potvrdu od poslovne banke o otvorenom žiro računu.

7. Potvrde o izmirenim obavezama za PIO/MIO i zdravstveno osiguranje za zaposlene;
8. Reference (npr. broj zaposlenih, opis stanja i uspjeha u dosadašnjem poslovanju, druge navode i dokaze o uspješnom poslovanju i sl.).
9. Izvještaj o radu, izvještaj o dosadašnjem organizovanju, učestvovanju i postignutim rezultatima na sporsko ribolovnim takmičenjima, promocijama, popularizacija i edukacija sportskog i rekreativnog ribolova, te izvještaj o uložnim sredstvima za poribljavanje, čuvanje i zaštitu ribljeg fonda.

IV

Prijave za Konkurs s nepotpunom dokumentacijom, podnesene nakon roka i utvrđene forme, te koje nisu u skladu sa uslovima iz Konkursa neće se uzeti u razmatranje.

Otvaranje, vrednovanje i rangiranje Prijava pristiglih na Javni konkurs vršit će Komisija Ministarstva za privredu Bosansko - podrinjskog kantona Goražde, a u skladu sa dokumentima/dokazima Konkursa, te po izvršenju zadatka dužna je sačiniti izvještaj i isti dostaviti na usvajanje resornom ministru.

Dosadašnji korisnici imaju pod jednakim uslovima pravo prvenstva kod ustupanja ribolovnog prava na korištenje. Sa odabranim korisnicima Ministarstvo za privredu zaključit će ugovor o ustupanju ribolovnog područja na korištenje.

Konkurs ostaje otvoren 10 dana od dana objavljivanja u javnim glasilima.

Ministarstvo nema obavezu vraćanja dokumentacije pristigle na Javni konkurs.

Obrazac prijave za Konkurs za ustupanje dijela ribolovnog područja na korištenje, davanjem ribolovnog prava na području Bosansko-podrinjskog kantona Goražde može se preuzeti u sjedištu Ministarstva za privredu Bosansko podrinjskog kantona Goražde ul. M.Tita br. 5. i na web stranici Vlade Bosansko-podrinjskog kantona Goražde.

Kontakt telefon 038 227-857.

Prijave sa traženom dokumentacijom se **dostavljaju obavezno u zatvorenoj koverti, uz naznaku NE OTVARATI „Prijava za Konkurs za ustupanje ribolovnog područja _____ na korištenje, davanjem ribolovnog prava“** Ministarstvo za privredu Bosansko podrinjskog kantona Goražde, preporučeno poštom ili lično **na adresu:** ul.M.Tita br. 5., 73 000 Gorazde.

Broj.04-11-2399-2/25

Datum,10.11.2025.godine

